

Broj : 01- /15
Dana : 21.09.2015. godine

SKUPŠTINA KANTONA SARAJEVO
Služba za skupštinske poslove Kantona Sarajevo

PREDMET: Zastupnička inicijativa Mario Vukasović, odgovor, dostavlja se;-

Zastupnik Mario Vukasović je na 6. Radnoj sjednici Skupštine Kantona Sarajevo, održanoj dana 02.09.2015. godine, u okviru tačke Dnevnog reda "Poslanička pitanja, inicijative i odgovori", a u skladu sa Poslovníkom Skupštine Kantona Sarajevo pokrenuo je zastupničku inicijativu za „hitnim pojačanim inspeksijskim i policijskim nadzorom nelegalnih taxi vozila, posebno u večernjim satima“.

Zastupnička inicijativa:

„Podnosim inicijativu za HITNIM pojačanim inspeksijskim i policijskim nadzorom nelegalnih taxi vozila, posebno u večernjim satima. Zaista nije uredu i nije fer da se zakon ne provodi i ne zaštiti ljude koji legalno rade svoj posao, plaćaju poreze i namete državi i pune budžetske kase u odnosu na ljude koji sjednu u auto, ubace taksimetar i nelegalno prevoze putnike. Taksisti o ovome pričaju već godinama, niko ih ne sluša, te se pitam koji to lobiji štite nelegalne taksi prevoznike?

Dodatan problem predstavlja i sigurnosni aspekt putnika u vozilu koje ne posjeduje dozvole jer je u slučaju bilo kakvog problema jako teško ući u trag vozilu.

Drugi dio ove inicijative se odnosi na pojačan policijski i inspeksijski nadzor pojedinih taksi vozila a koja rade na taksi štandu na aerodromu od kojih jedan broj ne pali taksimetre i naplaćuju po vlastitom nahođenju te odbija prevoziti putnike suprotno odredbama Zakona o taksi prijevozu KS što nanosi veliku štetu ugledu našeg kantona. Na ovaj način baca se mrlja na naš kanton jer je to prvi susret turista sa našim kantomom te predlažem i povremeno praćenje tih vozila od strane inspekcije i policije metodom slučajnog odabira kako bi se utvrdilo da li je postoji problema nakon što vozilo stigne na destinaciju.

Ako otvorite web stranicu koje se bave putovanjima i turizmom, vidjet ćete da je susret turista sa pojedinim taksistima na aerodromu navedena kao jedna od osnovnih mrlja koje turisti spominju kada dođu u naš grad a upravo to im je PRVI SUSRET sa našim gradom. Moramo stvoriti povoljan turistički ambijent a ne ostavljati tako bahat dojam čim turisti zakorače u naš grad“.

Odgovor na zastupničku inicijativu:

Polijski službenici Uprave policije, Ministarstva unutrašnjih poslova Kantona Sarajevo postupaju po važećim odredbama Zakona o taksi prijevozu u Kantonu Sarajevo ("Službene novine Kantona Sarajevo", broj 11/14- u daljem tekstu: Zakon), kao i nizu drugih instruktivnih akata i depeša donešenih od strane Uprave policije, u cilju suzbijanja nelegalnog vršenja taksi prijevoza na području Kantona Sarajevo. Aktivnosti policijskih službenika na kontroli vozila i vozača koji se bavem taxi prijevozom u Kantonu Sarajevo je stalan zadatak i u slučajevima kada policijski službenici prilikom kontrole utvrde određene nepravilnosti i nedostatke preduzimaju mjere i radnje iz svoje nadležnosti.

Tokom prvih osam mjeseci 2015. godine policijski službenici Uprave policije prilikom preduzimanja pojačanih mjera i radnji na suzbijanju nelegalnog obavljanja taxi prijevoza na području Kantona Sarajevo su ostavirli niže navedene rezultate, i to:

- broj kontrolisanih vozila i vozača	933
- broj izdatih prekršajnih naloga	0
- broj sačinjenih službenih zabilješki propisanih članom 44. stav 3 Zakona....	32

Iz naprijed navedenih rezultata se vidi da su policijski službenici prilikom kontrole taxi prijevoznika za prekršaje koji nisu u njihovoj nadležnosti i nisu ih mogli sankcionisati na licu mjesta, sačinili 32 službene zabilješke koje su u dalju nadležnost dostavljene Kantonalnoj upravi za inspeksijske poslove. Treba napomenutu da policijski službenici Uprave policije u skladu sa članom 13. Zakona o unutrašnjim poslovima Kantona Sarajevo, po pismenom zahtjevu Kantonalne uprave za inspeksijske poslove – Inspektorata saobraćajne i cestovne inspekcije u dvije smjene pružaju asistenciju inspektorima prilikom obavljanja poslova i zadataka na kontroli vozila i vozača koji se bave taxi prijevozom.

S hodno odredbama člana 42. stav 6. Zakona, Uprava policije ovog Ministarstva, mjesečno izvještava Ministarstvo saobraćaja Kantona Sarajevo, o preduzetim mjerama i radnjama od strane policijskih službenika prema taksi vozačima.

Zastupnička inicijativa zastupnika u Skupštini Kantona Sarajevo, Maria Vukasovića, koja je pokrenuta na šestoj radnoj sjednici Skupštine Kantona Sarajevo je u cjelosti proslijeđena svim organizacionim jedinicama Uprave policije, kako bi policijski službenici prilikom obavljanja svojih redovnih poslova i zadataka na terenu pojačali svoje aktivnosti na kontroli vozila i vozača koji se bave taxi prijevozom, te shodno tome preduzimaju mjere i radnje iz svoje nadležnosti u skladu sa Zakonom i Zakonom o osnovama sigurnosti saobraćaja na putevima u Bosni i Hercegovini.

S poštovanjem,

MINISTAR

Predrag Kurteš